

Javni poziv za angažovanje konsultanta

Izveštaj o implementaciji UN Konvencije o pravima osoba sa invaliditetom 2010-2012

Opis posla stručnog konsultanta za izradu Izveštaja

U saradnji sa organizacijama Inicijative preživjelih od mina i BOSPO, Ministarstvo za ljudska prava i izbjeglice BiH je pokrenulo aktivnost prikupljanja podataka i izrade Izveštaja o implementaciji UN Konvencije o pravima osoba sa invaliditetom 2010-2012.

Ministarstvo za ljudska prava i izbjeglice BiH kao resorno ministarstvo će koordinirati sve aktivnosti oko izrade Izveštaja, te tražiti od nadležnih institucija da dostave potrebne informacije.

Bosna i Hercegovina je ratificirala Konvenciju o pravima osoba s invaliditetom i Fakultativni protokol 12.03.2010. , a za Bosnu i Hercegovinu Konvencija je stupila na snagu 11.04.2010., tridesetog dana nakon deponiranja instrumenta o ratifikaciji. Rok za početni izvještaj Bosne i Hercegovine o napretku u provođenju Konvencije je 11.04.2012. godine, odnosno dvije godine nakon ratifikacije, ali će iz opravdanih razloga ovaj rok biti prolongiran za juni 2012. godine.

U tu svrhu će se angažovati konsultant koji će izraditi metodologiju i smjernice po kojoj će se izraditi Izveštaj, a na osnovu smjernica za izradu Izveštaja o implementaciji Konvencije, te proučiti izvještaje na navedenu Konvenciju iz drugih država regiona, i na osnovu toga izraditi smjernice i prezentaciju za radnu grupu koja će raditi na izradi samog Izveštaja.

Vremenski okvir angažovanja: 5 mjeseci

Opis poslova za konsultanta:

1. Pripremiti metodologiju Izveštaja;
2. Prikupiti podatke o sličnim izvještajima izrađenim od strane drugih država u regionu;
3. Pripremiti prezentaciju za članove Radne grupe za izradu Izveštaja i upoznati ih sa metodologijom rada za izradu Izveštaja; i
4. Aktivno učestvovati u u svim fazama izrade Izveštaja.

Tokom ovog perioda od 5 mjeseci, koliko će trajati izrada Izveštaja, konsultant će redovno izvještavati Ministarstvo za ljudska prava i izbjeglice BiH, Inicijativu preživjelih od mina i organizaciju BOSPO o dinamici napretka, te će se po potrebi sastajati sa predstavnicima navedenih institucija i sa Radnom grupom za izradu Izveštaja.

Sredstava za angažovanje konsultanta su osigurana u okviru projekta "Podrška mehanizmu zaštite i promocije ljudskih prava osoba sa invaliditetom" kojeg implementira nevladina organizacija Inicijative preživjelih od mina. Projekat je finansiran u okviru EIDHR programa Evropske unije u BiH.

Potrebne kvalifikacije ili stručno znanje/iskustvo:

Konsultant treba posjedovati sljedeće:

- Završen fakultet društvenih nauka ili pravni fakultet
- Minimalno pet godina radnog iskustva na istim ili sličnim poslovima
- Vrlo dobro poznavanje međunarodnih i BiH standarda i instrumenata koji se tiču oblasti invaliditeta i instrumenata međunarodnog izvještavanja
- Značajno iskustvo u ocjenjivanju i procjenama
- Poznavanje najnovijih dešavanja u povezanim oblastima
- Odlične analitičke sposobnosti i sposobnosti pismenog izražavanja
- Izražene komunikacijske, međuljudske sposobnosti
- Vrlo dobre sposobnosti planiranja i organizacije
- Tečno znanje engleskog jezika i lokalnih jezika (pismeno i usmeno)
- Poznavanje rada na računaru
- Sposobnost da putuje

Ovaj poziv ostaje otvoren od 19. januara do 29. januara 2012. godine. Ukoliko imate dodatna pitanja, kontakt osoba u ministarstvu je gđa Tijana Borovčanin-Marić, tel. 033/206-655; email adresa tijana.borovcanin@mhrr.gov.ba . Svi zainteresovani kandidati mogu poslati svoje biografije na navedenu email adresu ili putem pošte:

Ministarstvo za ljudska prava i izbjeglice BiH
Sektor za ljudska prava
Trg BiH 1
71 000 Sarajevo, BiH